



**საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო**

**Ministry of Internally Displaced Persons from the Occupied Territories,
Labour, Health and Social Affairs of Georgia**



KA030114786985319

საქართველო, თბილისი 0119, აკ.წერეთლის გამზ.144; ტელ.: (+995 32) 251 00 11; ცხელი ხაზი: (+995 32) 251 00 26; 15 05; ელ.ფოსტა: info@moh.gov.ge
144 Ak.Tsereteli ave., 0119, Tbilisi, Georgia; Tel: (+995 32) 251 00 11; Hot line: (+995 32) 251 00 26; 15 05; E-mail: info@moh.gov.ge

№ 01/3692

04 / მარტი / 2019 წ.

სსიპ "სახელმწიფო ქონების ეროვნულ სააგენტოს"

ასლი: შპს „აკად. ბ. ნანეიშვილის სახელობის
ფსიქიკური ჯანმრთელობის ეროვნული ცენტრის“
გენერალურ დირექტორს, ბატონ გოჩა ბაკურაძეს

როგორც მოგეხსენებათ, საქართველოს მთავრობის 2015 წლის 22 ოქტომბრის N2248 განკარგულებით განხორციელდა შპს „აკად. ბ. ნანეიშვილის სახელობის ფსიქიკური ჯანმრთელობის ეროვნული ცენტრის“ 95%-იანი წილის შეზღუდული პასუხისმგებლობის საზოგადოება „ბ&ნ“-ისათვის პირდაპირი მიყიდვის ფორმით პრივატიზება. 2016 წლის 20 იანვარს, სსიპ სახელმწიფო ქონების ეროვნულ სააგენტოსა და შპს „ბ & ნ“ შორის გაფორმდა ნასყიდობის ხელშეკრულება.

საპრივატიზებო პირობებად განისაზღვრა: ხელშეკრულების გაფორმებიდან არა უმეტეს 48 თვის ვადაში: ა) შპს „აკად. ბ. ნანეიშვილის სახელობის ფსიქიკური ჯანმრთელობის ეროვნული ცენტრის“ ქონებაზე არანაკლებ 700 (შვიდასი) საწოლზე გათვლილი სამედიცინო დაწესებულების შექმნა (მათ შორის, აღნიშნული მიზნით, დამატებით არანაკლებ 2 ერთეული (ჯამში არანაკლებ 2400 კვ.მ ფართობის მქონე) შენობა-ნაგებობის მშენებლობა; ბ) ნაკისრი საპრივატიზებო პირობების შესრულების მიზნით, არანაკლებ 6 000 000 (ექვსი მილიონი) ლარის ინვესტიციის განხორციელება; გ) „ქონებისთვის“ (მათ შორის, დამატებით არანაკლებ 2 ერთეული (ჯამში არანაკლებ 2400 კვ.მ ფართობის მქონე) შენობა ნაგებობისთვის) სამედიცინო პროფილის შენარჩუნება ამ შენობის არსებობის ვადით, მაგრამ არანაკლებ „ხელშეკრულების“ გაფორმებიდან 50 წლის განმავლობაში; დ) ქონებაზე (მათ შორის, დამატებით არანაკლებ 2 ერთეული (ჯამში არანაკლებ 2400 კვ.მ ფართობის მქონე) „ფსიქიატრიული დახმარების შესახებ“ საქართველოს კანონის 22-ე მუხლით განსაზღვრული ფსიქიატრიული დახმარების განვეისთვის შესაბამისი ინფრასტრუქტურის მოწყობა, საზოგადოების და პაციენტების უსაფრთხოების უზრუნველყოფა და ა.შ.

2018 წლის 29 სექტემბერს სამინისტროში შემოვიდა შპს „აკად. ბ. ნანეიშვილის სახელობის ფსიქიკური ჯანმრთელობის ეროვნული ცენტრის“ წერილი (N2069) საინვესტიციო ვალდებულების (700 საწოლი) ფსიქიკური ჯანმრთელობის სამოქმედო გეგმასთან შესაბამისობაში მოყვანის მიზნით, პოლიტიკის განმსაზღვრელ საბჭოზე განხილვასთან დაკავშირებით.

აღნიშნული საკითხი 2018 წლის 15 ნოემბერს განხილულ იქნა ფსიქიკური ჯანმრთელობის პოლიტიკის განმსაზღვრელი საბჭოს სხდომაზე. საბჭოს გადაწყვეტილებით, ბატონ გოჩა ბაკურაძეს დაევალა საპრივატიზებო ვალდებულებების ცვლილების პროექტის წარმოდგენა.

აღნიშნული პროექტი შპს „აკად. ბ. ნანეიშვილის სახელობის ფსიქიკური ჯანმრთელობის ეროვნული ცენტრის“ მიერ სამინისტროს წერილობით წარედგინა 2018 წლის 30 ნოემბერს (N2520). წერილში აღნიშნულია, რომ საპრივატიზებო ვალდებულებების (საქართველოს მთავრობის 2015 წლის 22 ოქტომბრის N2248 განკარგულება) ფარგლებში უკვე განხორციელდა 2,500,000 ლარის სამუშაოები:

- გამოიცვალა მიწისქვეშა წყალ-გაყვანილობა და საკანალიზაციო სისტემა;
- გამოიცვალა ყველა შენობა-ნაგებობის სახურავი საერთო ფართობით 7531 კვ.მ;
- სასამართლო ფსიქიატრიული კორპუსისთვის დამონტაჟდა გათბობისა და ცხელი წყლით მომარაგების სრულიად ახალი სისტემა;
- შეიცვალა და თანამედროვე დანადგარებით აღიჭურვა დაწესებულებების სამრეცხაო ბლოკი;
- 2018 წლის 30 ოქტომბერს გაიხსნა 100 პაციენტზე გათვლილი 4 ახალი სტაციონარული განყოფილება.

ცენტრის წინადადებაა, რომ 700 სანოლზე გათვლილი სამედიცინო დაწესებულების შექმნისა და ასევე, არანაკლებ ორი შენობა-ნაგებობის (საერთო ფართობი 2400 კვ.მ) აშენების ნაცვლად, განახორციელებს შემდეგ ღონისძიებებს:

- იძულებით და არანებაყოფლობით მკურნალობაზე მყოფი პაციენტებისთვის განკუთვნილი კორპუსის განახლება და კეთილმოწყობა;
- ცენტრის ტერიტორიის გარეთ, თემში ინტეგრირებულად, 24 ბენეფიციარზე გათვლილი 4 საცხოვრისის აშენება და კეთილმოწყობა (ქ. ფოთი -1; ქ. სენაკი - 1; ქ.ქუთაისი 2). ლოკაციები შეირჩა გეოგრაფიული ხელმისაწვდომობის პრინციპით, სადაც ხელმისაწვდომია სათემო ფსიქიატრიული სამსახურები;
- ინვესტიციის ფარგლებში ახალი ტიპის სერვისებისთვის (საცხოვრისი) შესაბამისი პერსონალის მომზადება/გადამზადების უზრუნველყოფა;
- ნასყიდობის ხელშეკრულების გონივრული ვადით გაგრძელება.

აღნიშნულთან დაკავშირებით, გამოთქმული მოსაზრებების საფუძველზე, საბჭომ დაასკვნა, რომ 700 სანოლის ნაცვლად, საპრივატიზებო ვალდებულებად განისაზღვროს:

- 550 სანოლის (450+100 (საცხოვრისი) შექმნა. აქედან, ცნობად იქნა მიღებული, რომ 100 სანოლი, რომელიც განთავსებულია ახალაშენებულ შენობა-ნაგებობაში (საერთო ფართობი 2400 კვ.მ) უკვე შექმნილია, ხოლო პაციენტებისთვის განკუთვნილ სხვა შენობებში (მ.შ. თავშესაფარი) უნდა ჩატარდეს სათანადო სარემონტო სამუშაოები მათი რეაბილიტაციისათვის და შეიქმნას პაციენტთათვის ღირსების არშემლახავი გარემო;
- ცენტრის ტერიტორიის გარეთ, თემში ინტეგრირებულად, 4 საცხოვრისის აშენება და კეთილმოწყობა (თითოეული 24 ბენეფიციარზე გათვლილი). ლოკაციები შეირჩევა გეოგრაფიული ხელმისაწვდომობის პრინციპით, სადაც ხელმისაწვდომია სათემო ფსიქიატრიული სერვისები;
- საბჭოს გადანვეტილების სახელმწიფო ქონების ეროვნული სააგენტოსთვის გაცნობა საპრივატიზებო პირობებების დეტალების, მათ შორის ნასყიდობის ხელშეკრულების გაგრძელების გონივრული ვადის დაზუსტების მიზნით.
- ზემოაღნიშნული ვალდებულებების შესრულების სანაცვლოდ, ცენტრი განთავისუფლდეს დამატებით ხელშეკრულების 3.1.1. პირობით ნაკისრი 2400კვ.მ. შენობა-ნაგებობის მშენებლობისაგან.

გთხოვთ, განიხილოთ ფსიქიკური ჯანმრთელობის პოლიტიკის განმსაზღვრელი საბჭოს სხდომის გადანვეტილება და გვაცნობოთ თქვენი მოსაზრება.

პატივისცემით,

მინისტრის მოადგილე

ხელმოწერა/შტამპი
მინისტრის მოადგილე



გიორგი წონკოლაური